

Headline	TNB tidak terbang pokok di Janda Baik		
MediaTitle	Kosmo		
Date	15 Oct 2016	Language	Malay
Circulation	197,202	Readership	875,000
Section	Negara	Page No	18
ArticleSize	111 cm ²	Journalist	N/A
PR Value	RM 8,675		



TNB tidak terbang pokok di Janda Baik

KUALA LUMPUR – Tenaga Nasional Berhad (TNB) tidak terlibat dalam sebarang aktiviti penebangan pokok dan sentiasa mematuhi syarat pihak berkuasa bagi jajaran projek Talian Voltan Tinggi di Hutan Simpan Janda Baik, Bentong, Pahang.

TNB dalam satu kenyataan berkata, projek itu telah mendapat kelulusan setelah beberapa perbincangan dan pertimbangan teliti dibuat mengenainya.

“Kami sedang menjalankan Kajian Kesan Alam Sekitar buat masa ini dan



masih belum memulakan sebarang kerja pembinaan menara di jajaran tersebut.

“TNB juga tidak terlibat dalam sebarang aktiviti penebangan pokok di hutan simpan tersebut seperti yang didakwa se-

setengah pihak,” kata kenyataan itu.

Baru-baru ini, *Kosmo!* melaporkan, lebih 2,000 penduduk kampung di sekitar Janda Baik meminta kerajaan Pahang menghentikan aktiviti pembalakan di Hutan Simpan Kekal Lentang di sini yang didakwa mengganggu kawasan tadahan air.

Dakwa penduduk, lima batang sungai utama yang menjadi sumber air bersih kepada penduduk setempat terjejas akibat kawasan pembalakan yang dikatakan dibuka untuk tujuan laluan projek pembinaan menara tersebut.